



XALQ DEPUTATLARI BALIQCHI TUMAN KENGASHI QARORI

2024 - yil 1 - fevral

VI-42-11-1-18-K/24

Baliqchi tumani hokimligi

O‘zbekiston Respublikasi Prezidentining Baliqchi tumanidagi Halq qabulxonasi mudiri A.Ibrohimovning 2023 yil yakuni aholi murojaatlari bilan ishlashda yo‘l qo‘yilgan qonunbuzilishi holatlari yuzasidan axborati to‘g‘risida

Xalq deputatlari Baliqchi tuman Kengashi shuni takidlaydiki, Xalq qabulxonasi tomonidan tuman hokimligi va boshqa davlat idoralarida 2023-yil yakuni davomida murojaatlar bilan ishlash holati tahlil qilindi. Murojaatlar bilan ishlashda qator qonunbuzilish holatlari yuzaga kelganligi aniqlandi.

Tuman Xalq qabulxonasiga 2023 yilda fuqarolardan 788 ta murojaat kelib tushgan. Ularda 815 ta masalalar ko‘tarilgan. Masalalarning 65 tasi yuqori, 376 tasi hududiy tashkilotlarga yuborilgan. 378 murojaat Xalq qabulxonasida ko‘rib chiqish uchun qoldirilgan.

Ushbu murojaatlarning 560 tasi (yoki 75 foizi) ijobiy hal etilgan, 117 ta murojaatlar bo‘yicha xuquqiy ma‘lumot, 68 ta murojaatlar bo‘yicha tushuntirish berilgan. Ko‘rilmasdan qoldirilgan, rad etilgan yoki takroriy murojaatlar mavjud emas.

Tuman davlat idoralarida o‘rganilgan 64 ta murojaatlar 30 kunlik muddati buzib yopilgan, 43 ta murojaatlarda keltirilgan muammolar to‘liq qamrab olinmagan, mahalla fuqarolar yig‘inlarida o‘rganilgan murojaatlarning ko‘pchiligida o‘rganish natijalari bo‘yicha rasmiylashtirilgan dalolatnomalarda mualliflarning ishtiroki ta‘minlanmagan.

Sektorlar rahbarlari tomonidan o‘tkazilgan 253 ta sayyor qabullarda 928 ta murojaatlar ro‘yhatga olingan. Ularning 894 tasi ijobiy hal etilgan.

Xususan, 1-sektorda 65 marta o‘tkazilgan sayyor qabullarda 242 ta murojaatlar kelib tushgan. Ularning 230 tasi ijobiy xal etilgan. 2-sektorda 65 marta o‘tkazilgan sayyor qabullarda 304 ta kelib tushgan murojaatlarning 297 tasi, 3-

sektorda 66 marta o'tkazilgan sayyor qabullarda kelib tushgan 226 ta murojaatlarning 217 tasi, 4-sektorda 57 marta o'tkazilgan sayyor qabullarda kelib tushgan 156 ta murojaatlarning 150 tasi ijobiy hal etilgan.

Sayyor qabullarni tashkil etish, o'tkazishda mahalla faollari, hokim yordamchilarining faoliyati talab darajasida tashkil etilmagani sababli, ayrim hollarda qabullar past saviyada, rasmiyatchilik uchun o'tkazildi. Ayniqsa, kelib tushgan murojaatlar soni kamayib, muammolarni hal qilish darajasi ham shunga yarasha bo'ldi.

Masalan, sayyor qabulgacha fuqarolarga yetkazib berilgan maishiy gaz ballonlari, bank krediti, subsidiyalar ajratilgani haqida "postfaktum" holatlar sayyor qabullar bayonnomalarida qayd etildi.

Har bir sektorda 48 martadan o'tkazilgan yoshlar bilan uchrashuvlarda kelib tushgan 936 muammolarning 904 tasi hal etilgan.

Tuman hokimi tomonidan o'tkazilgan uchrashuvlarda kelib tushgan 249 ta murojaatlarning 238 tasi, tuman prokurorida 222 murojaatlarning 218 tasi, tuman IIB boshlig'ida 192 murojaatlardan 185 tasi, DSI boshlig'ida 273 murojaatlardan 263 tasi hal etilgan.

O'tkazilgan uchrashuvlar bo'yicha tayyorlangan bayonnomalar o'rganilganida, ushbu hujjatlarda uchrashuv o'tkazilgan mahallada yashayotgan yoshlar, ular mahalladagi yoshlar yetakchisi bilan birgalikda amalga oshirgan ishlari, reja, maqsadlari, erishilgan natijalar haqida ma'lumotlar berilmagan.

Bundan tashqari, uchrashuvlarda kelib tushgan murojaatlarning mualliflari, ularning biografik ma'lumotlari, murojaatning qisqacha mazmuni, hal etish formalari umuman kiritilmagan va hujjatlar bir xil takrorlanuvchi mazmunda tayyorlanib, faqat raqamlar o'zgartirilganini ko'rish mumkin.

Tumandagi davlat idoralarida 12 ta o'quv mashg'ulotlari va seminar treninglar o'tkazilgan. Murojaatlarda ko'rsatilgan muammolar bo'yicha 9 ta mahallalarda, 18 ta murojaatlar joyiga chiqib, 3 ta davlat idoralarida murojaatlar bilan ishlash holati biz tomonimizdan o'rganildi. Sektorlar faoliyati bo'yicha 7 ta monitoringlar, hokim yordamchilari faoliyati natijadorligi bo'yicha mahallalarda tadirkorlikni rivojlantirish, aholi bandligini ta'minlash va kambag'allikni qisqartirish bo'yicha kelib tushgan murojaatlar tahlili asosida, 14 ta o'rganishlar amalga oshirildi.

Xalq qabulxonasi tomonidan kiritilgan jami 25 ta hujjatlar (16 ta taqdimnoma, 6 ta taklif, 3 ta axborotlar) ko'rib chiqilib, 19 nafar mas'ul xodimlarga nisbatan intizomiy ta'sir choralari qo'llandi. Tuman prokuraturasiga kiritilgan taqdimnoma asosida 1 nafar mansabdor shaxs O'zbekiston Respublikasi MJTK ning 43-moddasi

bilan ma'muriy javobgarlikka tortildi.

Tumandagi davlat organlari va tashkilotlariga kiritilgan 14 ta ko'rsatmalar talablari bajarildi.

Davlat organlarida murojaatlarni ko'rib chiqish, hal etish holatini o'rganish bo'yicha o'tkazilgan o'rganishlar jarayonida, mas'ul xodimlar tomonidan "Jismoniy va yuridik shaxslarning murojaatlari to'g'risida" gi Qonun va va boshqa me'yoriy hujjatlarga amal qilmaslik holatlari aniqlandi.

Xususan, Olimbek mahallasida yashovchi Sh. Xusanova, 2-sektor rahbari tomonidan o'tkazilgan sektor sayyor qabulida ishtirok etib, kontrakt puli to'lovini amalga oshirishda yordam so'ragan.

Murojaat 2023 yil 20 oktyabrda 99871-xq/23 qayd raqam bilan ro'yhatga olinib, tuman Yoshlar ishlari bo'limiga yuborilgan.

Murojaatni o'rgangan xodim tomonidan 15 kunlik muddat buzilganidan tashqari, muallif bilan uchrashib, holatlar yuzasidan suhbat o'tkazilmagan, muallif murojaatda so'ragan kotrakt to'lovi qaysi o'quv yurtida o'qiyotgan talaba uchun ekani, miqdori, to'lov muddati aniqlanmagan. Rasmiyatchilik uchun uchinchi shaxs tomonidan yozilgan tushuntirish xatida, muallif kontrakt puli to'lab berilishi ma'lum qilingani, murojaati ijobiy hal etilganidan rozilik bildirgani asos qilinib, O'zbekiston Respublikasi Vazirlar Mahkamasining 07.07.2021 dagi VMQ-312 sonli qarori bo'yicha tushuntirish berilgani munosabati bilan murojaat yopilgan.

Javob xati muallifga yetib borgani ham shubha uyg'otadi. Sababi, javob xatini muallifga yetkazish uchun ismi sharifi ko'rsatilmagan shaxs imzo qo'yib olgan.

Mallachek mahallasida yashovchi D. Asqarov o'zining 2023 yil 12 oktyabrdagi 97442 xq/23 qayd raqamli murojaatida yakka yolg'iz yashashi haqida ma'lum qilib, uyini ta'mirlashda yordam so'ragan.

Murojaat Kambag'allikni qisqartirish va bandlikka ko'maklashish tuman bo'limida o'rganilib, 30 kunlik muddati buzib yopilgan.

2023 yil 16-noyabrda bo'lim boshlig'i vazifasini vaqtincha bajaruvchi Sh. Sattarov tomonidan imzolangan javob xatida, muallifga 2019-2022 yillarda ko'rsatilgan ijtimoiy yordamlar sanab o'tilgan xolos.

Subsidiya asosida tikuv mashinasi ajratish yuzasidan MFY ga, hokim yordamchisiga, xotin-qizlar faoliga murojaat qildim ammo natija bo'lmadi, ayni vaqtda sharoitim og'ir, shu bilan o'zimni tiklamoqchi edim, o'zim "Ayollar daftari" da turaman, Sizdan iltimos, sharoitimni inobatga olgan holda menga subsidiya asosida tikuv mashinasi ajratib berilishida amaliy yordam bersangiz deb 2023-

yilning 20 noyabrida murojaat qilgan Matonat mahallasida yashovchi M. Qosimovanning 803855/23 qayd raqamli arizasi Kambag'allikni qisqartirish va bandlikka ko'maklashish tuman bo'limida o'rganilib, uning avvalgi, 2023-yil 21-iyundagi murojaati yuzasidan tegishli hujjatlar rasmiylashtirilgani, hokim yordamchisi tavsiya bergani ma'lum qilingan lekin shu kungacha muallifga tikuv mashinasi yetkazib berilmagan, murojaat hal etilmagan.

Murojaatlarni ko'rib chiqishda ularda keltirilgan muammolar to'liq qamrab olinmasligi, mualliflarni davlat idoralariga qayta murojaat qilishga majbur qilmoqda.

Xususan, Siza mahallasida yashovchi Sh. Rahimova, 2023 yil 13-dekabrda Xalq qabulxonasiga murojaat qilib, turmush o'rtog'i, 1990 yil tug'ilgan G'. Rahimov 2-guruh nogironi, 2021-yil tug'ilgan farzandi Quvonchbek sindrom laster, maymoqlik tashhisi bilan bolalikdan nogironligi sababli, har ikki oyda viloyat Bolalar shifoxonasida davolanishi, vrachlar geppatit "A" ga qarshi vaksina olishni tavsiya qilgani, moddiy imkoniyati cheklangani sababli, ushbu vaksinani olishda moddiy yordam ajratishni so'rab qilgan. 115056 xq/23 qayd raqamli murojaati tuman hokimligiga yuborilgan. Murojaat ko'rib chiqilmasdan, javob muddati kechiktirilib, tuman Tibbiyot birlashmasi yuborgan javob xati asosida yopilgan.

Bundan tashqari 1-guruh nogironlarining murojaatlariga yetarli e'tibor bermasdan, murojaatni o'rganish tadbirlarini paysalga solish holatlari asosli noroziliklarga sabab bo'lmoqda.

Shunday toifa vakili, Qahramon mahallasida yashovchi M. Qurbonov, turmush o'rtog'i mavsumiy ishlar bilan shug'ullanishi va olayotgan nogironlik nafaqasidan tashqari oilaning daromad manbai yo'qligi, yaqinlashib kelayotgan sovuq mavsumi uchun tayyor emasligi, daromad manbai yaratish uchun tomorqasining 0,01 ga maydonida subsidiya asosida issiqxona qurish, quyosh paneli o'rnatish va mavsumga yetarli ko'mir ajratishni so'rab murojaat qilgan.

Murojaatga javoban ko'mir berilib, quyosh paneli o'rnatish, issiqxona qurish ishlari noma'lum muddatga to'htatilgani ma'lum qilingan javob xati berilgan.

Ijtimoiy soha ob'ektlarini 2023-2024 yillar kuz-qish mavsumiga tayyorlash ishlarini davlat sherikchiligi asosida olib borayotgan xususiy tashkilotlar faoliyatini o'rganish natijalari haqida tuman hokimligiga 2023-yil 18-noyabrda kiritilgan 119 qayd raqamli taklif ko'rib chiqilmadi.

Unda, Shahrixon tumanida davlat ro'yhatidan o'tgan "Dobryy" MChJ tomonidan 47-maktabda eski rusumdagi isitish qozoni almashtirilmagani, maktabdagi isitish qozonlarida foydalanishga yaroqsiz bo'lgan 5,86 tonna sifatsiz ko'mir yetkazib berilgani va qozonxonadan o'quv binosiga ulangan issiq suv quvuri teploizolyatsiya qilinmagani, 10-DMTT ga Qirg'iz Respublikasida ishlab

chiqarilgan sertifikatga ega bo'lmagan 2 dona isitish qozonlari va ushbu qozonlarda foydalanishga yaroqsiz bo'lgan 10 tonna sifatsiz ko'mir yetkazib berilgani, 16-DMTT da 2 ta isitish qozonlarining birida issiqlik haydash motori, ikkinchisida ko'mirni o'txonaga yetkazib beruvchi mexanizm va qozonlarni boshqarish kompyuteri nosozligi, 19-maktabdagi 3 ta qozonxona ta'mirtalabligi, issiq suv quvurlari teploizolyatsiya qilinmagani, maktabga tadbirkor tomonidan keltirilgan Qirg'iz Respublikasida ishlab chiqarilgan sertifikatga ega bo'lmagan 2 dona isitish qozonlarini almashtirish, 29-DMTT dagi mavjud isitish qozonlarida foydalanishga yaroqsiz bo'lgan 5,3 tonna sifatsiz ko'mir yetkazib berilgani, tuman Sanitariya epidemiologiya markazidagi eski rusumdagi isitish qozonlarini yangisiga almashtirish taklifi 2023-yil avgustida berilgani "Rizo bulding" MChJ tomonidan shu kungacha almashtirilmagani qayd etilgan.

Natijada ushbu ob'ektlarini issiqlik bilan ta'minlash belgilangan muddatdan kechiktirilgani sababli, maktab va maktabgacha ta'lim muassasalarida bolalar uchun quyilay sharoit yaratilmadi,

"Obod xonadon", "Obod ko'cha" va "Obod mahalla" tamoyili asosida ishlar olib borilayotgan Xalfachek mahallasi binosi qurilishi tugallanmadi, toza ichimlik suvi ta'minoti, yo'llarni ta'mirlash ishlari oxiriga yetkazilmadi.

Masalan, Xalfachek mahallasida bajarilishi rejalashtirilgan ishlar yo'l xaritasiga kiritilgan aholi xonadonlarida joylashgan, yaroqsiz holga kelgan 115 ta elektr tayanchlarini tashqariga olib chiqish, 4200 metr ochiq elektr tarmog'i, 2 460 metr SIP kabellari tortish va 2 ta TP o'rnatish ishlari moliyalashtirilmadi. Mahallada yashovchi 2 000 dan ortiq aholi toza ichimlik suvi bilan ta'minlanmagani sababli, 1 dona ichimlik suv qudug'i qurish va 3 km. suv tarmog'i tortish talab etilgan.

Belgilangan yo'llar asfaltlanmasdan, aholi mablag'lari hisobidan shag'allash bilan cheklanilgan, yangi elektr tarmoqlari qurish rejalashtirilgan hududlarda elektr tayanchlari, simlari almashtirilmagani shu mahallada yashovchi fuqarolarning murojaatlari bilan tasdiqlangan.

O'zbekiston Respublikasi Prezidentining 2019-yil 2-apreldagi "Aholi muammolari bilan ishlashda mahalla institutining mavqeini tubdan oshirish chora-tadbirlari to'g'risida" gi PF-5700 famonida belgilangan "mahalla-sektor-Xalq qabulxonasi-mahalla" prinsipi asosida hamkorlikni ta'minlash ishlari tizimli tashkil etilmagani sababli, mahalla tuman bo'limida aholi muarojaatlari bilan ishlashda aniqlangan qator muammolar hal etilmay qolmoqda.

Fuqarolarning e'tirozlariga sabab bo'layotgan holatlarni oldini olish maqsadida, quyidagi takliflarni ko'rib chiqish tavsiya etiladi:

1. Tuman Xalq qabulxonasi tomonidan monitoring va murojaatlarni ko'rib

chiqish jarayonida aniqlangan qonunbuzilish holatlari yuzasidan davlat organlari rahbarlari nomiga kiritilgan taklif va taqdimnomalar belgilangan muddatlarda ko‘rib chiqilishi va qonunbuzilish holatlariga aloqador xodimlarga nisbatan qonunda belgilangan jazo choralarini o‘z vaqtida qo‘llash;

2. Boshqa davlat idoralari tomonidan belgilangan tartibda ko‘rib chiqilmagan yoki ko‘rib chiqish jarayonida “Jismoniy va yuridik shaxslarning murojaatlari to‘g‘risida” gi qonun talablari buzilgan murojaatlar bo‘yicha tuman prokuraturasiga yuborilgan arizalar asosida aybdor shaxslarni qonunda belgilangan tartibda javobgarlikka tortish;

3. “Obod xonadon”, “Obod ko‘cha” “Obod mahalla” tamoyili asosida Xalfachek mahallasida qurilish-ta‘mirlash, elektr, toza ichimlik suvi ta‘minoti, yo‘llarni ta‘mirlash va tugallanmagan ishlar sifatli yakuniga yetkazilishini ta‘minlash;

4. 2024-yilning nomlanishidan kelib chiqib, Yoshlar ishlari bo‘yicha tuman bo‘limi faoliyatini yangicha yondashuv bilan tashkil etish, bo‘lim xodimlari tomonidan ijro intizomini ta‘minlash va ularning yetakchilik xususiyatlarini rivojlantirish.

5. 2023-2024 yillar kuz-qish mavsumini betalofat o‘tkazish choralarini ko‘rish, Shtab faoliyatini ta‘minlash, zarur texnika vositalari ajratish, hududlarda mobil guruhlar tashkil etish;

6. Axborotning bayon qismida qayd etilgan qonunbuzilish holatlariga aloqador xodimlarga nisbatan qonunda belgilangan ta‘sir choralari qo‘llab, natijalari haqida Xalq qabulxonasiga ma‘lumot berish;

7. O‘zbekiston Respublikasi Prezidentining 2019-yil 2-apreldagi “Aholi muammolari bilan ishlashda mahalla institutining mavqeini tubdan oshirish chora-tadbirlari to‘g‘risida” gi PF-5700 famonida belgilangan “mahalla – sektor - Xalq qabulxonasi - mahalla” prinsipi asosida hamkorlikni ta‘minlash choralarini ko‘rish.

O‘zbekiston Respublikasi Prezidentining 17.01.2019 dagi “Aholi muammolari bilan ishlash tizimini yanada takomillashtirish chora-tadbirlari to‘g‘risida” gi PF-5633 Farmoni 2-bandiga asosan, mazkur axborotda ko‘rsatilgan holatlarni Xalq deputatlari tuman Kengashining navbatdagi sessiyasida sektor va davlat idoralari rahbarlarining hisobotlarini eshitib, muhokama qilib, aholi murojaatlari bilan ishlashdagi qonunbuzilish holatlarini oldini olish, aniqlangan kamchiliklarni bartaraf qilish, faoliyatga aloqador xodimlar mas‘uliyatini oshirishga qaratilgan tadbirlarni amalga oshirish, tegishli qarorlar qabul qilish uchun yuborilmoqda.

Davlat idoralari xodimlari tomonidan murojaatlar bilan ishlash tartibiga amal

qilinmasligi, ularning rasmiyatchiligi, fuqarolarni sarson qilish holatlarining davom etayotgani, aholi o'rtasida davlat idoralariga ishonchsizlik bilan munosabatda bo'lish va ularning asosli noroziliklariga sabab bo'lmoqda.

O'zbekiston Respublikasi "Mahalliy davlat hokimiyati to'g'risida"gi Qonunning 6- va 24-moddalariga asosan Xalq deputatlari tuman Kengashi

Q A R O R Q I L A D I :

1. O'zbekiston Respublikasi Prezidentining Baliqchi tumanidagi Halq qabulxonasi mudiri A.Ibrohimovning «2023 yil yakuni davomida aholi murojaatlari bilan ishlashda yo'l qo'yilgan qonunbuzilishi holatlari yuzasidan axborati ma'lumot uchun qabul qilinsin.

2. Xalq deputatlari Baliqchi tuman Kengashining doimiy komissiyalari raislariga:

O'zbekiston Respublikasi Prezidentining yuqoridagi PF-5633 sonli Farmonining 2-bandi, PQ-4102-sonli Qarori va shular asosida ishlab chiqilgan Nizom talablariga ko'ra, mazkur sohadagi ishlarni amalga oshirishda, aholi muammolarini hal etilishida o'z vazifalarini yetarli bajarmasdan, sustkashlikka yo'l qo'yib kelayotgan idora, tashkilot va korxona rahbarlari to'g'risidagi ma'lumotlarni xalq deputatlari tuman Kengashi muhokamasiga doimiy ravishda kiritib borilsin;

O'zbekiston Respublikasi Prezidentining yuqoridagi Farmoni va Qarorini aholi o'rtasida keng targ'ib qilish hamda fuqarolar huquqiy madaniyatini oshirish bo'yicha O'zbekiston Respublikasi Prezidentining Baliqchi tumanidagi Halq qabulxonasi xodimlari bilan tuman adliya bo'limi xodimlari bilan hamkorlikda targ'ibot ishlarini olib borilsin.

3. Baliqchi tumanidagi sektor rahbarlariga:

- O'zbekiston Respublikasi Prezidentining PF-5633 sonli Farmoni va O'zbekiston Respublikasi Prezidentining PQ-4102-sonli qarori va ushbu xuddatlar asosida ishlab chiqilgan Nizom talablariga ko'ra ish tashkil etishlari qat'iy takidlansin;

- "Obod xonadon", "Obod ko'cha" "Obod mahalla" tamoyili asosida Xalfachek mahallasida qurilish-ta'mirlash, elektr, toza ichimlik suvi ta'minoti, yo'llarni ta'mirlash va tugallanmagan ishlar sifatli yakuniga yetkazilishini ta'minlash;

- 2024-yilning nomlanishidan kelib chiqib, Yoshlar ishlari bo'yicha tuman bo'limi faoliyatini yangicha yondoshuv bilan tashkil etish, bo'lim xodimlari tomonidan ijro intizomini ta'minlash va ularning yetakchilik xususiyatlarini rivojlantirish;

- O‘zbekiston Respublikasi Prezidentining 2019-yil 2-apreldagi “Aholi muammolari bilan ishlashda mahalla institutining mavqeini tubdan oshirish chora-tadbirlari to‘g‘risida”gi PF-5700 farmonida belgilangan “mahalla – sektor - Xalq qabulxonasi - mahalla” prinsipi asosida hamkorlikni ta’minlash choralarini ko‘rish;

- Sektorlar hududida jismoniy va yuridik shaxslarning murojaatlarini ko‘rib chiqishda qonun talablariga so‘zsiz rioya etilishini ta’minlash vazifalari topshirilsin.

4. Baliqchi tumani maktab va maktabgacha ta’lim bo‘limi, tuman Tibbiyot birlashmasi, tuman iqtisodiyot va moliya bo‘limi, kambag‘allikni qisqartirish va bandlikka ko‘maklashish tuman bo‘limi rahbarlari:

- murojaatlarni ko‘rib chiqish jarayonida aniqlangan qonunbuzilish holatlari yuzasidan davlat organlari rahbarlari nomiga kiritilgan taklif va taqdimnomalar belgilangan muddatlarda ko‘rib chiqilishi va qonunbuzilish holatlariga aloqador xodimlarga nisbatan qonunda belgilangan jazo choralarini o‘z vaqtida qo‘llanishini ta’minlasin;

- 2023-2024 yillar kuz-qish mavsumini betalofat o‘tkazish choralarini ko‘rish, tashkil etilgan shtabning ish faoliyatini ta’minlash, zarur texnika vositalari ajratish.

5. Xalq deputatlari tuman Kengashi kotibiyati bosh mutaxassisleri (I.Toshpo‘latov, I.Komiljonov)ga:

- tuman Yoshlar agentligi bo‘limi (Sh.Mamadaliev)dan: Olimbek mahallasida yashovchi Sh. Xusanovning 2023 yil 20 oktyabrdagi murojaati (kontrakt puli to‘lovini amalga oshirishda yordam so‘ragan) bo‘yicha o‘rganish o‘tkazgan xodimga intizomi chora ko‘rilgani (sifatli o‘rganilgani haqida arizachidan yozma javob xati olish) haqida hat olish;

Kambag‘allikni qisqartirish va bandlikka ko‘maklashish tuman bo‘limi (Sh.Sattarov)dan:

- Mallachek mahallasida yashovchi D.Asqarovning 2023 yil 12 oktyabrdagi 97442 xq/23 qayd raqamli murojaatida, 30 kunlik muddati buzib yopilgan. Aybdor xodimga intizomiy chora ko‘rilganligi haqidagi javob xati olinsin;

- Matonat mahallasida yashovchi M.Qosimovning 2023-yilning 20 noyabrdagi 803855/23 raqam bilan qayd etilgan murojaatida “ushbu fuqaroning 2023-yil 21-iyundagi murojaati yuzasidan kerakli hujjatlar rasmiylashtirilgani, hokim yordamchisi tavsiya bergani va tikuv mashinasi yetkazib berilgan yoki berilmaganligi haqida javob xati olinsin.

- Siza mahallasida yashovchi Sh. Rahimovning 2023 yil 13-dekabrda Xalq qabulxonasiga 115056 xq/23 raqami bilan qayd etilgan murojaatiga tuman

hokimligidan javob xati olinsin;

- Qahramon mahallasida yashovchi 1-gurux nogironligi bo'lgan fuqaro M. Qurbonovning murojaati bo'yicha ko'mir berilgan lekin, quyosh paneli o'rnatib berilganligi, issiqxona qurib berilganligi haqida tuman hokimligidan javob xati olinsin.

6. Tuman hokimligi matbuot xizmati (M.Karimov), "G'alaba" gazetasi (Sh.Karimova) sektorlar tomonidan amalga oshirilayotgan ishlarni gazeta sahifalarida keng yoritib borish tavsiya etilsin.

7. Mazkur qarorni bajarilishini nazorat qilish xalq deputatlari tuman Kengashining "Axborot siyosati va mahalliy davlat organlarida ochiqlikni ta'minlash masalalari bo'yicha doimiy komissiya" (Z.Xomidov) zimmasiga yuklatilsin.

**Xalq deputatlari Baliqchi
tuman Kengashi raisi**



J.Abdurayimov